

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Зajедничка комисија за одбрану и безбједност
Босне и Херцеговине



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА
ПРЕДСТАВНИЧКИ ДОМ/ZASTUPNIČKI ДОМ

Зajедничка комисија за одбрану и сигурност
Босне и Херцеговине

Зajедничко повjerenство за одбрану и сигурност

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

Број: 03/1-50-14-7-20/26

Вежа број: 03/1,05/3-50-18-1200/26

Сарајево, 4. 6. 2026.

PRIMLJENO: 23-07-2026			
Organizaciona jedinica	Klasifikaciona oznaka	Redni broj	Broj priloga

ЧЛАНОВИМА ЗАЈЕДНИЧКЕ КОМИСИЈЕ ЗА ОДБРАНУ И СИГУРНОСТ БиХ:

JASMINU IMAMOVIĆU, MARINI PENDEŠ, DARKU BABALJU, MILANU DUNOVIĆU, SLAVKU MATIĆU, ŽELIMIRU NEŠKOVIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ČOSIĆU, SAFETU SOFTIĆU

PREDMET: Informacija o učešću na Godišnjem sastanku predstavnika komisija za odbranu i sigurnost parlamenata zemalja Jugoistočne Evrope, 2. i 3. juni 2026. godine, Zagreb, Republika Hrvatska

Predsjedavajući Zajedničke komisije za odbranu i sigurnost BiH Jasmin Imamović, zamjenica predsjedavajućeg Zajedničke komisije Marina Pendeš i parlamentarni vojni povjerenik BiH Boško Šiljegović učestvovali su na Godišnjem sastanku predstavnika komisija za odbranu i sigurnost parlamenata zemalja Jugoistočne Evrope, koji je održan 2. i 3. juna 2026. godine u Zagrebu, Republika Hrvatska.

Sastanak koji su organizirali Centar za sigurnosnu saradnju (RACVIAC) i Hrvatski sabor, uz podršku Ženevskog centra za upravljanje sigurnosnim sektorom (DCAF), Misije OSCE-a u BiH i OSCE-a/ODIHR-a, okupio je više od 40 učesnika iz Albanije, Bosne i Hercegovine, Crne Gore, Grčke, Hrvatske, Sjeverne Makedonije i Turske, te pružio značajnu platformu za razmjenu iskustava i dobrih praksi u oblasti parlamentarnog nadzora nad sektorom odbrane i sigurnosti. Rasprave su bile usmjerene na parlamentarne procedure, aktuelne sigurnosne izazove i mehanizme nadzora, s posebnim naglaskom na Kodeks ponašanja OSCE-a o političko-vojnim aspektima sigurnosti kao normativni okvir za demokratski i parlamentarni nadzor nad institucijama odbrane i sigurnosti u promjenjivom sigurnosnom okruženju.

Tokom dvodnevnog sastanka održane su tri radne sesije koje su podstakle otvoreni dijalog između poslanika, stručnjaka i predstavnika relevantnih institucija iz cijele Jugoistočne Evrope.

U okviru prve sesije Godišnjeg sastanka, pod nazivom „Parlamentarni nadzor nad sektorom odbrane i sigurnosti – trenutno stanje i dobre prakse“, koja je bila posvećena parlamentarnom nadzoru nad sektorom odbrane i sigurnosti, učesnicima se obratio predsjedavajući Zajedničke komisije za odbranu i sigurnost BiH Jasmin Imamović, koji je govorio o radu Zajedničke komisije te dostignućima Bosne i Hercegovine u pogledu usklađivanja s evropskim konceptom integriranog upravljanja granicom, uspostavljenе saradnje s Frontexom, te jačanju kapaciteta u borbi protiv ilegalnih migracija, prekograničnog kriminala i sigurnosnih prijetnji.


U svojim uvodnim obraćanjima govornici su istaknuli sve veću važnost parlamentarnog nadzora, regionalne saradnje i demokratskog upravljanja u suočavanju sa složenim sigurnosnim izazovima današnjice.

Druga sesija, pod nazivom „Zaštita prava i odgovornosti pripadnika oružanih snaga i policije u Jugoistočnoj Evropi“, bila je posvećena zaštiti ljudskih prava, radnih uslova i profesionalnog integriteta pripadnika oružanih i sigurnosnih snaga, kao i ulozi nezavisnih nadzornih mehanizama u zaštiti tih prava. U okviru te sesije, parlamentarni vojni povjerenik BiH Boško Šiljegović održao je predavanje o uspostavljanju institucije parlamentarnog vojnog povjerenika, prve i zasad jedine takve institucije u regionu. Parlamentarni vojni povjerenik BiH govorio je o pravnoj regulativi, nadležnostima i načinima rada, te obavezujućim preporukama parlamentarnog vojnog povjerenika BiH.

Drugog dana sastanka održana je treća radna sesija pod nazivom: „Kodeks ponašanja OSCE-a kao normativni okvir parlamentarnog nadzora nad odbranom i sigurnošću u aktuelnom okruženju međunarodnog poretka zasnovanog na pravilima“. Učesnicima se obratila prva zamjenica predsjedavajućeg Zajedničke komisije za odbranu i sigurnost BiH Marina Pendeš. U svom obraćanju istaknula je da je OSCE-ov Kodeks ponašanja prepoznat kao jedinstveni zajednički okvir koji obavezuje na poštivanje univerzalnih principa, bez obzira na globalne turbulencije. Naglasila je da je Bosna i Hercegovina kroz rad Parlamenta i Zajedničke komisije za odbranu i sigurnost BiH postigla zavidan nivo parlamentarnog nadzora. Istaknula je da su elementi sadržani u Kodeksu duboko ugrađeni u zakonodavni okvir i poslovnike domova Parlamentarne skupštine BiH, a Bosna i Hercegovina aktivno prati provođenje politike ravnopravnosti spolova kroz UN-ovu Rezoluciju 1325, čime se direktno utiče na povećanje broja i status žena u sektoru odbrane i sigurnosti. Također je pozvala na nastavak izgradnje i jačanja regionalne mreže saradnje parlamentarnih komisija u Jugoistočnoj Evropi, te zaključila da ta saradnja treba ponuditi odgovore na savremene izazove, poput cyber sigurnosti, hibridnih prijetnji, nelegalnih migracija, trgovine ljudima i terorizma, koji ne poznaju državne granice.

Zaključeno je kako Kodeks ponašanja OSCE-a idalje predstavlja centralno normativno uporište za demokratski nadzor nad sigurnosnim sektorom, dok je aktivno uključivanje parlamenata ključno za njegovu uspješnu primjenu te za jačanje povjerenja, legitimnosti i odgovornosti sigurnosnih institucija.

Predsjedavajući Zajedničke komisije
Jasmin Imamović



Dostavljeno:

- naslovu
- a/a